



UNIVERSITÄTS-  
BIBLIOTHEK  
PADERBORN

## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

Complectens Constitutiones ab Innocentio XIII. & Benedicto XIII. editas

**Luxemburgi, 1740**

CXXVI. De Hebræis denunciatis, quod velint suscipere Baptismum.

---

[urn:nbn:de:hbz:466:1-74724](https://nbn-resolving.org/urn:nbn:de:hbz:466:1-74724)

1727.  
Deputatio  
eiusdem Pa-  
triarchæ, five  
eius Officia-  
lis in Execu-  
torem prædi-  
ctæ Constitutio-  
nis.

Confirma-  
tio relati De-  
creti.

Clausula  
Derogato-  
riz.

nen. Occidentali, ac dilecto filio ejus officiali per præsentem, committimus, & mandamus, quatenus ipsi, vel alter eorum per se, vel alium, seu alios eisdem præsentem, & præinsertas literas, ac in eis contenta quæcumque, ubi, & quando opus fuerit, & quoties pro parte ejusdem Ignatii, aut aliorum quorumcumque in præmissis interesse habentium fuerint requisiti, solemniter publicantes, illisque in præmissis efficacis defensionis præsidio assistentes faciant omnia, & singula præmissa ab iis ad quos spectat, & pro tempore spectabit, inviolabiliter, & inconcusse observari; Contradictores quoslibet, & Rebelles per sententias, censuras, & pœnas Ecclesiasticas, aliaque opportuna Juris, & facti remedia, appellatione postposita compellendo, legitimisque super his habent. servatis processibus, censuras, & pœnas ipsas, etiam juratis vicibus aggravando, invocato etiam ad hoc, si opus fuerit auxilio brachii secularis.

§. 5. Non obstantibus fe. re. Bonifacii PP. VIII. prædecessoris nostri de una, & Concilii generalis de duabus dietis, dummodo ultra tres dietas aliquis vigore præsentium in Judicium non trahatur, aliisque constitutionibus, & ordinationibus Apostolicis, necnon omnibus, & singulis illis, quæ in literis præsentibus concessimus non obstante, cæterisque contrariis quibuscumque.

Datum Romæ apud S. Petrum sub annulo Piscatoris die XIII. Februarii MDCCXXVII. Pontificatus nostri anno III.

CXXVI.

Confirmatur Decretum Congregationis S. Officii quoad Hebræos denunciatos, quod voluntatem suam declaraverint de suscipiendo Baptismo.

*Inn. XIII. Const. ed. 1724. Feb. 10. P. 3. reservata decernuntur pro Ruthenis ad fidei unitatem revertentibus omnia ipsorum bona, & Clem. XI. Const. ed. 1704. Mar. 3. P. 4. ampliata fuere privilegia Neophitorum quoad temporalia.*

Dat. 14. Febr.  
1727. An. 3.

### BENEDICTUS PAPA XIII.

*Ad perpetuam rei memoriam.*

Decretum  
prædictum.

§. 1. **E**manavit nuper a Congregatione Venerabilium Fratrum nostrorum S. R. E. Cardinalium in tota Republica Christiana adversus hæreticam pravitatem generalium Inquisitorum auctoritate Apostolica deputatorum Decretum tenoris, qui sequitur, videlicet: Feria 4. die 12. Februarii 1727. In Congregatione generali S. Romanæ, & Universalis Inquisitionis habita in Conventu S. Mariæ super Minervam coram Eminentiss., & Reverendissimis DD. Sanctæ Romanæ Ecclesiæ Cardinalibus in tota Republica Christiana contra Hæreticam pravitatem Generalibus Inquisitoribus a S. Sede Apostolica specialiter deputatis.

§. 2. Cum plures exortæ sint controversiæ super intelligentia, & executione Decreti ab hac Sacra Congregatione editi die 8. Julii 1641. quoad Hebræos utriusque sexus denunciatos de eorum animi declaratione suscipiendi Baptismum, Emi, & Rmi DD. Cardinales Generales Inquisitores prædicti, dictum Decretum declarando, & quatenus opus sit reformando, in posterum illud sequenti modo exequi mandarunt, & decreverunt, nempe, quod Testes qui Hebræos denunciabunt, five mares, five foeminas de declaratione animi suscipiendi Baptismum per Notarium juxta interrogatoria generalia ab R. P. D. Vices-Gerente præscribenda cum speciali monitione relevantiæ juramenti in scriptis coram eodem R. P. D. Vices-Gerente, & eo impedito, coram ejus

Auditore examinentur, qui etiam examen præfatum subscribere debeant, & quatenus duo Testes sint de loco, tempore, & occasione contestes, tunc Denunciati ad Domum Catechumenorum duci, & collocari in loco separato ad hunc effectum destinato, in eoque per duodecim dies detineri possint, ut super veritate, & constantia declarationis eorum voluntatis suscipiendi Baptismum explorentur. Si autem Testes erunt singulares, vel unus adest Testis idoneus, & fide dignus, tunc denunciati non statim post denunciationem, & Testium examen educendi erunt ad Domum Catechumenorum, sed per R. P. D. Vices-Gerentem extra Ghetum, vel in ejus Domo, vel in aliqua Ecclesia, vel alio loco sibi beneviso, & intra tempus necessarium, & opportunum juxta facti speciem, & circumstantias pro arbitrio, & prudentia dicti R. P. D. Vices-Gerentis eorum voluntas exploranda erit. -- Antonius Lancionus S. Rom., & Universalis Inquisitionis Notarius - Loco + Sigilli.

§. 3. Nunc autem Nos perenni Decreti hujusmodi robori, exactæque illius observantiæ per amplius providere volentes, Motu proprio, ac ex certa scientia, & matura deliberatione nostris, deque Apostolicæ potestatis plenitudine Decretum præinsertum tenore præsentium perpetuo approbamus, & confirmamus, illique inviolabilis, ac irrefragabilis Apostolicæ firmitatis robor adjicimus, ac omnes, & singulos Juris, & facti defectus, si qui desuper quomodolibet intervenerint, seu intervenisse dici, cenferi, prætendi, vel intelligi nunquam possent plenissime supplemus, & sanamus.

§. 4. Decernentes eisdem præsentem literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac illis, ad quos spectat, & pro tempore spectabit, in omnibus, & per omnia plenissime suffragari, & ab eis respectively inviolabiliter observari: Sicque in præmissis per quoscumque Judices Ordinarios, Delegatos, etiam Causarum Palatii Apostolici Auditores, ac ejusdem S. R. E. Cardinales, etiam de Latere Legatos, aliosque quoslibet quacumque præeminentia, & potestate fungentes, & functuros, sublata eis, & eorum cuilibet, quavis aliter judicandi, & interpretandi facultate, & auctoritate, judicari, & definiri debere; ac irritum, & inane, si secus super his a quoquam quavis auctoritate scienter, vel ignoranter contigerit attentari.

§. 5. Non obstantibus præmissis, ac Constitutionibus, & ordinationibus Apostolicis, necnon quibusvis, etiam juramento, confirmatione Apostolica, vel quavis firmitate alia roboratis, statutis, & consuetudinibus; privilegiis quoque, Indultis, & literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis illorum tenores, præsentibus pro plene, & sufficienter expressis, ac ad verbum insertis habentes, illis alias in suo robore permanfuris, ad præmissorum effectum, hac vice dumtaxat specialiter, & expresse derogamus, cæterisque contrariis quibuscumque.

Datum Romæ apud Sanctum Petrum sub Annulo Piscatoris die XIV. Februar. MDCCXXVII. Pontificatus Nostri Anno Tertio.

Confirmantur Constitutiones nonnullæ Pontificum, quibus gratiæ, privilegia, ac Indulgentiæ Locis Terræ Sanctæ, ac Minoribus de Observantia inibi morantibus concessa fuere.

*Omnium Pontificum Constitutiones initio factæ a Greg. IX. usque ad Inn. XIII. quibus dictæ gratiæ conceduntur, ordine temporis, quo editæ fuerunt, hic distinctis citationibus enumerantur.*

BENE-

Dat. 3. Mart.  
1727. An. 3.

## BENEDICTUS EPISCOPUS,

*Servus Servorum Dei. Ad perpetuam rei  
memoriam.*Procedium  
a conclusi-  
one Romani  
Pontificis  
concedi locis  
Terræ s. In-  
dulgentias,  
vel concessas  
approbandi.

**L**oca Sancta Palæstina, in quibus Christus Do-  
minus redemptionis humanæ mytheria ortu,  
vita, & morte sua consummavit, ab ipsis nas-  
centis Ecclesiæ primordiis in tanta semper vene-  
ratione, & honore ab universis Christianis ha-  
bita fuerunt, ut per omnes ætates ad ea, reli-  
gionis causa invivenda, undique fidelium turba  
confluxerit, proptereaque Antecessores Nostri  
Romani Pontifices plurimas Indulgentias, &  
privilegia tam in eos, qui Sacram illuc peregrina-  
tionem susceperunt, quam in alios, qui in  
eisdem Sanctis Locis commorantes, Divino cul-  
tui, & proximorum, ac peregrinantium salutem,  
nullis incommodis, & vitæ periculis terri-  
fama-  
rentur, larga manu contulerint, & alii post-  
modum Successores eadem collata probaverint,  
novisque gratis spiritualibus, & largitionibus  
auxerint. Hinc maxime decet, ut Nos quoque  
ad Indulgentias, & privilegia hujusmodi, Aposto-  
licæ auctoritatis Nostre munimine salva, & illæsa  
servanda prompto animo accurramus.

Preces Pro-  
curatoris Ge-  
neralis Mi-  
norum de  
Observantia.

§. 1. Siquidem Nobis dilectus filius Frater  
Maria ab Eborâ Procurator Generalis Ordinis  
Fratrum Minorum Sancti Francisci de Observan-  
tia nuncupatorum, nuper exponi curavit, se ad  
Terræ Sanctæ subsidium, ac suorum dicti Ordi-  
nis Fratrum Vincæ Domini excolendæ inibi mul-  
tis sæculis operam dantium, peregrinosque ex  
omnibus Christianis Provinciis ad eadem loca  
Sancta pie veneranda accurrentes religiosa chari-  
tate fovendum, & Catholicis illarum partium  
opportuna solatia præbentium, optare, ut om-  
nia, & singula privilegia, gratiæ, Indulgentiæ,  
criminum remissiones, & relaxationes, hæcenus  
eiusdem Terræ Sanctæ Locis, suis fratribus, aliis-  
que personis, auctoritate Apostolica concessæ,  
& confirmatæ, per nos eadem auctoritate ap-  
probarentur, & speciali forma rursus confirma-  
rentur.

Confirma-  
tio prædictæ.

§. 2. Nos igitur, qui eiusdem Terræ Sanctæ  
ubi steterunt pedes Domini, frequentiam, &  
venerationem, quantum possumus, promovere  
studemus, hujusmodi piis votis libenter annuen-  
tes, ipsumque Josephum spiritualibus favoribus,  
& gratis cumulare omnino cupientes, & a qui-  
busvis excommunicationis, suspensionis, & in-  
terdicti, aliisque Ecclesiasticis sententiis, censuris,  
& pœnis a jure, vel ab homine, quavis  
occasione, vel causa latis, si quibus quomodolibet  
innodatus existit, ad effectum præsentium  
dumtaxat consequendum, harum serie absolventes,  
& absolutum fore censentes, supplicationibus  
Nobis ejus nomine humiliter porrectis inclina-  
ti, omnia, & singula privilegia, concessiones,  
facultates, exemptiones, jura, Indulta, Indul-  
gentias, peccatorum remissiones, ceterasque  
gratias spirituales, & temporales, eisdem Locis  
Sanctis, eademque visitantibus, atque illorum  
Custodi, & Guardiano Cænobii Hierosolymita-  
ni, & Fratribus dicti Ordinis, ibidem commo-  
rantibus, necnon eorumdem Fratrum interpre-  
tibus, qui Hierosolymis, Bethlehem, Nazareth,  
inque aliis quibuscumque Terræ Sanctæ, & Palæ-  
stinae Locis existunt, & vivunt, per infra-  
scriptos Antecessores nostros Romanos Pontifices,  
Sedemque Apostolicam, in genere, & in spe-  
cie, aut alias quomodocumque concessas, tenore  
præsentium iterum confirmamus, atque forma  
amplissima approbamus, & innovamus, prout ab  
iisdem Romanis Pontificibus Antecessoribus no-  
stris in suis Apostolicis Literis olim indultæ, &  
concessæ fuerunt. Hæc vero sunt; videlicet.

§. 3. Primo, Gregorii IX. Literæ incipientes -  
*Si Ordinis Fratrum Minorum*, datæ Perusii Kal.  
Februarii anno 1230.

2. Aliæ ejusdem incipientes - *Pro zelo fidei*,  
datæ Laterani 3. Kal. Februar. anno 1238.

3. Aliæ ejusdem, incipientes - *Cum Messis*, da-  
tæ Laterani 16. Kal. Junias 1238.

4. Innocentii IV. incipientes - *Cum hora undeci-  
ma*, datæ Lugduni 12. Kalendas Apriles anno  
1245.

5. Alexandri IV. incipientes - *Ex relata fide*,  
datæ Laterani 4. Kalendas Apriles anno  
1257.

6. Aliæ ejusdem, incipientes - *Quum hora jam  
undecima*, datæ Viterbii 13. Kalendas Majas anno  
1258.

7. Clementis V. incipientes - *Quum hora un-  
decima*, datæ Pictavii 10. Kalendas Augustas anno  
1306.

8. Joannis XXII. etiam incipientes - *Quum  
hora undecima*, datæ Peiræ 6. Idus Augustas an-  
no 1325.

9. Clementis VI. incipientes - *Gratias agimus*,  
datæ Avenione XI. Kal. Decembres 1342.

10. Innocentii VI. incipientes - *Piis fidelium  
studiis*, datæ apud Villam novam Diocæsis Aven-  
nionensis Nonis Septembris 1356.

11. Aliæ ejusdem incipientes - *Ad ea, quæ in  
laudem*, datæ Avenione 5. Idus Nov. 1360.

12. Urbani V. incipientes - *Rationi congruit*,  
datæ Avenione 6. Id. Novembres 1362.

13. Gregorii XI. incipientes - *Sicut de dam-  
nabili*, datæ Avenione 7. Kalendas Decembres  
1375.

14. Aliæ ejusdem, incipientes - *De Religio-  
sa discretione*, datæ Avenione eodem die, mense,  
& anno.

15. Aliæ ejusdem, incipientes - *Inter can-  
ctos Ordines*, datæ Avenione eodem die, &  
anno.

16. Urbani VI. incipientes - *Ad ea, quæ  
Piorum locorum*, datæ Neapoli Tertio Idus Ju-  
nias 1384.

17. Joannis in sua obedientia XXIII. incipien-  
tes - *Cum a nobis*, datæ Bononiæ 4. Kalend. Ju-  
lias MCDX.

18. Martini V. incipientes - *Ad assiduum Chri-  
sti servitium*, datæ Florentiæ 7. Kalend. Julias  
MCDXX.

19. Aliæ ejusdem, incipientes - *Sincera devo-  
tionis affectus*, datæ Florentiæ septimo Idus Ju-  
lias MCDXX.

20. Aliæ ejusdem, incipientes - *Cum a Nobis,  
quod justum est*, datæ eodem loco die, mense,  
& anno.

21. Aliæ ejusdem incipientes - *Provenit ex  
vestra devotionis*, datæ eodem loco, die, mense,  
& anno.

22. Aliæ ejusdem incipientes - *Votis vestris*,  
datæ Florentiæ 4. Id. Julias MCDXX.

23. Aliæ ejusdem, incipientes - *Exigit ve-  
stra devotionis*, datæ ibidem eodem die, mense,  
& anno.

24. Aliæ ejusdem, incipientes - *Votis vestris*,  
datæ Florentiæ 14. Kal. Septem. MCDXX.

25. Aliæ ejusdem, incipientes - *Votis vestris*,  
datæ Florentiæ 7. Kal. Sept. MCDXX.

26. Aliæ ejusdem, incipientes - *His, quæ  
per Ecclesiasticarum*, datæ Romæ 16. Kal. Mar-  
tias MCDXXI.

27. Aliæ ejusdem, incipientes - *Salutare  
studium*, datæ Romæ eodem die, mense, &  
anno.

28. Aliæ ejusdem incipientes - *Studium,  
& sincerum*, datæ eodem loco, die, mense, &  
anno.

29. Aliæ ejusdem incipientes - *Sinceritas ve-  
stra devotionis*, datæ Romæ IV. Idus Martias  
MCDXXI.

Enumeran-  
tur Apost.  
Constitutio-  
nes, quibus  
prædictæ  
gratiæ, Pri-  
vilegia, &  
Indulgentiæ  
Minoribus de  
Observantia  
in Locis Ter-  
ræ Sanctæ de-  
gentibus  
concessæ fue-  
runt.

30. Eugenii IV. incipientes - *Dum onus*, data Bononiæ 5. Id. Jul. MCDXXXVII.
31. Aliæ ejusdem, incipientes - *Bonus Pastor*, data Bononiæ IV. Id. Jul. MCDXXXVII.
32. Aliæ ejusdem, incipientes - *Exultantes in Domino*, data eodem die, mense, & anno.
33. Aliæ ejusdem incipientes - *Per hæc proxima tempora*, data Florentiæ 17. Kalen. Januariæ MCDXLI.
34. Aliæ ejusdem incipientes - *Sacræ Religionis*, data Rom. Kal. Februar. MCDXLIV.
35. Aliæ ejusdem, incipientes - *Dum præclara merita*, data Romæ quinto Idus Februariæ MCDXLVI.
36. Nicolai V. incipientes - *Sincerae devotionis*, data Romæ 6. Kal. Aug. MCDXLVIII.
37. Aliæ ejusdem, incipientes *Apostolica Sedis*, data Romæ undecimo Kalendas Augustas MCDLI.
38. Aliæ ejusdem incipientes - *Quum a vobis petitur*, data Romæ pridie Kalendas Apriles MCDLII.
39. Aliæ ejusdem, incipientes - *Romanus Pontifex*, data Romæ decimoquarto Kalendas Majas MCDLII.
40. Aliæ ejusdem, incipientes - *Solers Romani Pontificis*, data Romæ 16. Kalend. Martias M. DLIII.
41. Calixti III. incipientes - *Apostolica Sedis*, data Romæ 4. Idus Januar. MCDLV.
42. Aliæ ejusdem, incipientes - *Quum nuper*, data Romæ decimoquarto Kalendas Januariæ MCDLV.
43. Aliæ ejusdem incipientes - *Et si ex debito*, data Romæ quarto Idus Jan. MCDLV.
44. Aliæ ejusdem, incipientes - *Quum itaque*, data eodem loco, die, mense, & anno.
45. Aliæ ejusdem, incipientes - *Illius, cujus in pace*, data Romæ quarto Nonas Februariæ MCDLV.
46. Aliæ ejusdem, incipientes - *Licet pro nostra*, data Romæ 5. Id. Majas MCDLV.
47. Aliæ ejusdem, incipientes - *Devotionis vestrae ardor*, data Romæ pridie Nonas Februariæ MCDLVII.
48. Sixti IV. incipientes, *Suscepti cura*, data Romæ pridie Id. Februar. MCDLXXV.
49. Alexandri VI. incipientes - *Quum, sicut accepimus*, data Romæ Id. Aug. MCDXCVI.
50. Pii IV. incipientes - *Divina disponente clementia*, dat. Rom. die 9. April. MDLXI.
51. Urbani VIII. incipientes, *U dilecti filii*, dat. Rom. die 21. Aprilis MDCXXXII.
52. Aliæ ejusdem, incipientes - *Alias a felicitis recordationis*, data Romæ die 18. Junii 1644.
53. Innocentii X. incipientes - *Salvatoris, & Domini* data Romæ 19. Sept. 1645.
54. Aliæ ejusdem, incipientes - *Quum, sicut dilecti*, data Romæ 23. Sept. 1645.
55. Alexandri VII. incipientes - *Piis Christianissimorum* - dat. Rom. die 3. Augusti 1655.
56. Clementis X. incipientes - *Quum sicut dilectus*, dat. Rom. die 7. Julii 1670.
57. Innocentii XI. incipientes - *Ad augendam*, dat. Rom. die 20. Sept. 1681.
58. Aliæ ejusdem incipientes - *Piis Christianissimorum votis*, dat. Rom. die 22. Junii 1684.
59. Aliæ ejusdem, incipientes - *Exponi nobis*, dat. Rom. die 30. Aprilis 1686.
60. Alexandri VIII. incipientes, *Ex injuncto Nobis*, dat. Rom. die 10. Nov. 1690.
61. Innocentii XII. incipientes - *Alias a fel. record.*, dat. Rom. 5. Dec. 1696.
62. Innoc. XIII. incipientes - *Piis Christianissimorum votis*, dat. Rom. die 6. Junii 1721.
63. Aliæ ejusdem, incipientes - *Quum ad infrascriptam*, dat. Rom. die 13. Sept. 1721.
- §. 4. Huc usque Antecessorum nostrorum

Romanorum Pontificum ad Fratres Minores de Observantia nuncupatos, in Locis Sanctis Christo Domino militantes, editæ Literæ Apostolicæ, quas omnes, & quaslibet alias in ejusdem Ordinis annalibus, & monumentis laudatas, ad eos per quoscumque Romanos Pontifices, quomodolibet scriptas, præsertim quoad Indulgentias, dummodo de earumdem existentia valide, & legitime constet, in qua eisdem tam enunciatis, quam aliis quibusvis contenta quæcumque, etiam si talia forent, quæ specialem, & specificam mentionem requirerent, ubi tamen Concilii Tridentini Decretis non advertebantur, cum integris suis tenoribus, & datis plene, & sufficienter expressas, ac si de verbo ad verbum præsentibus insertæ essent habentes, Apostolica auctoritate, præsentium tenore perpetuo approbamus, & confirmamus, ac in plenam observantiam, ac pristinum, & validissimum suum statum restituentes, & revocantes, innovamus, & quatenus opus sit, omnia, & singula prædicta denuo concedimus, & indulgemus, illisque perpetuæ, & inviolabilis Apostolicæ firmitatis robur adjicimus, omnes, & singulas, tam Juris, quam facti, & quarumcumque solemnitatum, de Jure, usu, vel consuetudine, aut alias quomodolibet requisitarum, ac in præmissis fortasse omittarum, necnon quoscumque alios, quantumvis substantiales defectus, si qui forsan in iisdem omnibus, & singulis quomodolibet intervenerint supplemus.

§. 5. Insuper omnibus, & singulis cujuscunque Ecclesiasticæ Dignitatis, status, & conditionis, quantumvis privilegiatis personis, expresse inhibemus, quominus contra vim, & sensum privilegiorum, concessionum, facultatum, jurium, & Indulgentiarum, ut præfertur per Nos approbatorum, & confirmatorum, ac etiam innovatorum, loca, sive personas, prædicto Guardiano Hierosolymitano subiectas, ejusque curæ mandatas, respicientium, ullum Jurisdictionis, aut superioritatis actum sub quocumque prætextu in locis, & personis prædictis, absque nostra expressa facultate sub penarum, in iisdem Literis Apostolicis pro Locis Sanctis, & Guardiano prædicto concessis, approbatis, & innovatis contentarum, incurfu, exercere præsumat.

§. 6. Præsentibus quoque Literas Nostras, inque eis comprehensa quæcumque, & quavis legitima, & privilegiata causa, colore, prætextu, & capite, etiam in corpore Juris clauso, ullo unquam tempore de subreptionis, vel obreptionis, aut nullitatis vitio, vel intentionis nostræ, aut alio, quantumvis substantiali defectu, notari, impugnari, infringi, restringi, limitari, ad viam, & terminos Juris reduci, vel adversus eas quodcumque juris, vel facti, aut gratiæ remedium impetrari posse, decernimus; Sed illas semper, & perpetuo firmas, validas, & efficaces existere, & fore, suosque plenarios, & integros effectus in omnibus, & per omnia fortiri, & obtinere, necnon ab omnibus, & singulis ad quos nunc spectat, & pertinet, & pro tempore quomodolibet spectabit, & pertinebit, cujuscumque qualitatis, dignitatis, ordinis, gradus, & conditionis extiterit, perpetuo, & inviolabiliter observari debere; nec sub ullis similibus, vel dissimilibus gratiarum revocationibus, limitationibus, aut aliis contrariis dispositionibus comprehendi; sed semper ab illis excipi, & quoties illæ emanabunt, & vulgabuntur, toties in pristinum, & validissimum statum restitutas, repositas, & plenarie reintegratas censei; ac de novo etiam sub quacumque posteriori data, per Guardianum, & Fratres prædictos quomodocumque eligenda, concessas, validas, & efficaces existere, & fore, suosque plenarios, & integros effectus in omnibus,

Confirmatio eorumdem Constitutionum.

Nemo contra hujusmodi privilegia, Minoribus eisdem præjudicium inferat.

Præsentibus etiam Constitutionibus omnibus perpetuo obstat.

& per omnia fortiri, & obtinere, eisque perpetuo suffragari; Sicque, & non alias per quoscumque Judices Ordinarios, & Delegatos, quavis auctoritate fungentes, etiam Caesarum Palatii Apostolici Auditores, ac S. R. E. Cardinales, etiam de Latere Legatos, Vice-Legatos, dictaque Sedis Nuncios, judicari, & definituri debere volumus, & quidquid secus super his a quoquam quavis auctoritate scienter, vel ignoranter contigerit attentari, irritum, & inane decernimus.

Cardinales Protectores faciant eandem inviolabiliter observari.

§. 7. Quocirca dilectis filiis Nostris dicti Ordinis Fratrum Minorum de Observantia, vel etiam prædictæ Terræ Sanctæ Cardinalibus Protectoribus nunc, & pro tempore existentibus, seu illorum arbitrio, & defectu, & aliis ex parte S. R. E. Cardinalibus, manus Protectoris hujusmodi exercentibus, mandamus, quatenus ipsi Cardinales Protectores, seu munus hujusmodi gerentes, vel unus eorum per se, vel alium, seu alios eandem præsentis Literas, inque eis contenta quæcumque, ubi, & quando opus fuerit, & quoties pro parte prædictorum Guardiani, & Fratrum, seu Procuratoris Generalis pro tempore existentium, sive alterius eorum, vel aliorum interesse in præmissis habentium, fuerint requisiti solemniter publicantes, illisque in præmissis efficacis defensionis præsidio assistentes, ipsas præsentis Literas, inque eis contenta hujusmodi ab omnibus, & singulis, ad quos spectat, & pro tempore spectabit faciant auctoritate Nostra inviolabiliter observari, ipsosque Guardianum, & Fratres, & alios, quos eadem literæ concernunt, in futurum præsentium literarum, & in eis contentorum, commodo, & effectu pacifice frui, & gaudere; non permittentibus illos, seu eorum quempiam super his quomodolibet molestari, perturbari, inquietari, vel impediri, Contradictores quoscumque, & rebelles per sententias, censuras, & pœnas Ecclesiasticas, aliaque Juris, & facti remedia, appellatione postposita compescendo, legitimisque super his habendis servatis processibus, censuras, & pœnas ipsas etiam, iteratis vicibus aggravando; invocato etiam ad hoc, si fieri poterit, atque opus fuerit, auxilio brachii sæcularis.

Clausulæ derogatoriz.

§. 8. Non obstantibus felic. record. Bonifacii Papæ VIII. Prædecessoris nostri Apostolicis literis, quibus cavetur ne quis extra suam Civitatem, vel Diœcesim, ubi deputatus fuerit, contra quoscumque procedere, aut alii, vel aliis vices suas committere audeat, seu præsumat, inque Concilio generali edita Constitutione, de duabus dietis, aliisque quibuslibet in contrarium præmissorum facientibus, quomodolibet editis, vel edendis specialibus, vel generalibus Ordinationibus Apostolicis sub quibuscumque tenoribus, & formis per Romanos Pontifices Prædecessores nostros, ac Nos ipsos, & Sedem prædictam, cum quibusvis irritativis, annullativis, cassativis, revocativis, modificativis, præservativis, exceptivis, restitutivis, derogativis, aliisque efficacioribus, efficacissimis, & insolitis clausulis, irritantibusque, & aliis Decretis in genere, vel in specie, etiam motu pari, ac etiam consistorialiter; aut alias quomodolibet, etiam iteratis vicibus, in contrarium præmissorum concessis, approbatis, & innovatis. Quibus omnibus, & singulis, etiam si de illis, eorumque totis tenoribus specialis, specifica, expressa, & individua, ac de verbo ad verbum non autem per clausulas generales idem importantes mentio, seu quævis alia expressio habenda, aut quæcumque alia exquisita forma ad hoc servanda foret, illorum omnium & singulorum tenores præsentibus pro plene, & sufficienter expressis, & insertis habentes, illis alias in suo robore permanens, latissime, &

plenissime, ac specialiter, & expresse derogamus, ceterisque contrariis quibuscumque. Aut si aliquibus conjunctim, vel divisim ab eadem sit Sede indultum, quod interdici, suspendi, vel excommunicari non possint per Literas Apostolicas, non facientes plenam, & expressam, ac de verbo ad verbum de Indulto hujusmodi mentionem.

§. 9. Volumus autem, ut eandem præsentium literarum transactis, manu alicujus ex Secretariis Ministri, vel Commissarii Generalis Ordinis eorumdem Fratrum Minorum de Observantia, seu Notarii publici subscriptis, & sigillo Officii, ejusdem Ministri, vel Commissarii, aut Procuratoris Generalis ipsius Ordinis, vel alterius personæ in dignitate Ecclesiastica constitutæ munitis eadem proflus fides in Judicio, & extra adhibeatur, quæ præsentibus ipsis adhiberetur, si forent exhibitæ, vel ostensæ.

Harum exemplis omnimoda fides habeatur.

§. 10. Nulli ergo omnino hominum liceat hanc paginam nostræ absolutionis, approbationis, confirmationis, innovationis, novæ concessionis, roboris, adjectionis, defectuum supplementationis, inhibitionis, Decreti, & derogationis infringere, vel ei ausu temerario contraire. Si quis autem hoc attentare præsumperit, indignationem Omnipotentis Dei, ac Beatorum Petri, & Pauli Apostolorum ejus se noverit incursum.

Nemo hanc infringere audeat.

Datum Romæ apud Sanctum Petrum Anno Incarnationis Dominicæ Millesimo Septingentesimo vigesimo septimo V. Nonas Martias, Pontificatus nostri anno Tertio.

Conceditur facultas Fratribus Carmelitis Provinciae Beticæ suscipiendi Lauream Doctoratus in Collegio S. Rocchi Civitatis Cordubensis.

CXXVIII.

Similis facultas facta fuit ab eodem Pontifice Const. ed. 1725. Aug. 30. P. 2. Fratribus ejusdem Ord. Provinciae Aragonia.

BENEDICTUS PAPA XIII.

Dat. 3. Mart. 1727. Ann. 3.

Ad futuram rei memoriam.

§. 1. **E**Xponi Nobis nuper fecerunt Dilecti Filii Josephus de Castro, & Josephus Barinono fratres expresse professi, ac Procuratores Provinciae Beticæ Ordinis B. Mariæ de Monte Carmelo, quod inter alia laudabilia ejusdem Ordinis statuta Apostolica auctoritate confirmata cautum reperitur, ut illius Fratres postquam studiorum cursum, ac Philosophiæ, & S. Theologiæ lectionem expleverint, quibus peragendis unius, & viginti annorum spatio elaborare consueverunt, in aliqua publica studii Generalis Universitate Doctoratus gradum consequi teneantur, ad hoc ut privilegiis, & prærogativis in retributionem laborum, in dicto Ordine concedi solitis ac voce activa, & passiva in Capitulis frui possint, verum quia experientia compertum fuerat, quod Religiosi Ordinis prædicti ad effectum assequendi gradum hujusmodi non sine distractione a proprio Instituto, ac certo ordine disciplinæ regularis plerumque longè vagari, & pecunias necessarias contra paupertatis votum parare cogebantur; proinde a fel. recor. Urbano VIII. Clem. IX. ac Clemente X. Romanis Pontificibus Prædecessoribus Nostris attributa fuit facultas Priori Generali dicti Ordinis pro tempore existenti gradum præfatum Religiosis sub immediata ejus obedientia degentibus concedendi, cumque nihilominus Religiosi in Provinciis ultramarinis inde sibi minime consultum doluerint, pluresque suorum laborum præmio frustrarentur ob difficilem accessum ad memora-

Facti expositio, & causæ ad Pontificem impellendum ut hujusmodi facultatem indulgeat.